



## Terenga 4: Hōtaka 42 - Me mātua...rawa

### He Mihi

Tēnā koutou kua whakamine mai ki raro i te taumarumarū o tēnei kaupapa. Ko te rauhītanga tēnei o te hunga e ngākaunui ana ki te reo rerehua o kui mā, o koro mā.

### Hei Mahi Whakarongo

Ākuanei tātou ka rongo ki te mātanga o te tikanga, ki a Pou Temara me āna whakamārama mō Hine-nui-te-pō. Hei ārahi i te mahi whakarongo nei, anei hoki ngā pātai hei whakautu mā koutou:

1. He aha ngā mea ka haere takirua i te ao, hei tāna?
2. I ahatia te hā atua?
3. Ko ēhea ngā wāhanga o te tinana ka werohia e Tāne?

### He Whakamārama

I pēnei te kōrero a Pou i roto i te kiriata o te rā:

*“Kaore e tāea e koe te kōrero mō tētahi mea, me mātua kōrero rawa koe mō tētahi mea.”*

Ko te tikanga o te ‘**me mātua...rawa**’ i te wāhanga tuarua o tēnei whakatakotoranga, he whakakaha i te tohutohu.

Tirohia ngā whakapākehātanga e whai ake nei:

Me mātua... *It's a must! It's imperative...*  
Me pērā rawa? *Does it have to be done like that?*  
Ae, me pērā rawa. *Yes, it has to be done like that.*

Anei anō ētehi tauria:

1. Me pango rawa te panekoti?
2. Me kua rawa te kaikaranga?
3. Me mātau rawa te kaiako ki te reo, e kounga ai ana mahi whakaako?
4. Me rua rau tāra rawa te nui o te tīkiti?
5. Me mātua hoki mai i mua i te weheruatanga o te pō.

### Hei Mahi

**Whakamāoritia ngā rerenga nei.**

1. The hall must be clear by midnight.
2. It's imperative for guests to arrive early.
3. We absolutely have to attend the meeting.

### Whakautu:

1. Me mātua wātea te hōro i mua i te weheruatanga o te pō.
2. Me mātua tae moata mai ngā manuhiri.
3. Me mātua tae rawa tātou ki te hui.